

O BNG de Nigrán arranca a súa campaña 2011 nas rúas e nas redes.

Escrito por Redaccion @valminorinfo
Xoves, 02 Decembro 2010 13:17



O equipo nacionalista encabezado pola candidata a alcaldesa Cristina Fernández Piñeiro presentou a enquisa cidadá “Que Nigrán queremos?”, que terá por obxectivo sentar as bases do programa electoral 2011. A lista de candidatos que acompañará a Cristina Fernández na próxima contenda electoral estará integrada por Xavier Rodríguez Fernández, Eduardo Méndez Quintas, Pilar Barreiro Vilas e mais Carmen Piñeiro Martínez.

A campaña nas rúas.

Co fin de obter unha mostra representativa das demandas da cidadanía, está previsto que se cubran entre 300 e 500 enquisas á poboación adulta durante o Nadal. As mesmas realizaránse en espazos públicos (como o realizado no día de onte fronte ao Concello de Nigrán) e percorrendo as diferentes parroquias. Os candidatos e a militancia do BNG serán os encargados de facelas.

O BNG de Nigrán arranca a súa campaña 2011 nas rúas e nas redes.

Escrito por Redaccion @valminorinfo
Xoves, 02 Decembro 2010 13:17

As preguntas fan referencia ao transporte público, a asistencia sanitaria, ao abastecemento de auga, as actividades culturais e deportivas, á limpeza e mantemento de estradas, camiños e parques, as vivendas de protección oficial, etc. Ao longo de xaneiro estarán dispoñibles os resultados, que se darán a coñecer publicamente.

Cristina Fernández informou que o equipo redactor do programa 2011, integrado por militantes que xa veñen trabajando nas comisións de Cultura – Educación, Sanitaria e Urbanismo, serán os encargados de plasmar as inxerencias cidadás no programa.

A campaña nas redes.

A campaña cidadá arranca tamén coa presentación do blog do BNG <http://quenigranqueremos.blogaliza.org>. Este espazo web permitirá aos nigranenses seguir os acontecementos da campaña, informase das novas do concello e participar nos foros de opinión, así como os resultados do enquerito. O BNG de Nigrán tamén ten un perfil na rede Facebook e o correo queningranqueremos@gmail.com, atoparase aberto a todo aquel que desexa opinar.